

◎ 杭州圖書館

杭州圖書館

叙蘇長公外紀

渾噩之書尚矣自班馬而降作
無慮數百家獨蘇長公名最著
蓋蘇長公文如布帛菽粟平正
通達鋒穎時露絕浮薄之病而
亦寡茁軋之習行乎其所得
不行止乎其所不得不止政如大
將軍登壇步伍森嚴可守可戰

叙

如處女如脫兔竒竒正正相應而
生且其文味之甚厚出之甚易每
一縱筆倏忽間輒成數千言而生
平著作甚富今之傳于世者多屬
其應制諸藁抑或其彰三耳目者
惡乎盡公之萬一茲王弇州先生
又有外紀之刻其年譜傳誌併其
小言分為十卷成為一帙余觀以

集所載多為舊集所未備即遊戲
寓言居爻而風雲月露之態幽巖
怪石之奇種又畢具令後之讀其
文者如神遊三島之上不覺翩又
乎僊矣雖然以特其塵垢粃糠云
尔夫迹履之所出而履豈迹也乎
哉有言者有言又者有未始有言
二者不能以存又何者世之所貴

叙

二

者書也書不盡言書之所載者言
也言不盡意彼其神之所會志之
所適又有不期然而然者蘇公不
能以諭後之人後之人亦不能受之
于蘇公惟在默契而心得之昔人謂
讀古人一篇一言遂終自用之不盡
是為善學古者也如又于紙上是求
寧免斲輪所誦舊集固不足以盡

1584

蘇公而是集果足以盡蘇公乎哉
亦非弇州先生刻外紀之意矣
萬曆丙申歲仲冬

無如居士汪廷訥



叙

三

杭州圖書館

蘇長公外紀序

今天下以四姓目文章大家獨蘇公之作最爲便爽而其所撰論策之類於時爲最近故操觚之士鮮不習蘇公文者而雖黃之頰於公不能無少挫然使天下而有能盡四氏集者禹不得一也蘇公才甚高蓄甚博而出之甚達而又甚易凡三氏之奇盡於集而蘇公之奇不盡於集故夫天下而有能盡蘇公奇者億且不得一也公之所不盡韻而詞則溫壹讓壯舌而諧諲則侯曰遜雅筆而簡牘題署則黃豫章遜雋游戲

蘇長公外紀序

一

而爲法書則顏平原李北海之難弟爲古木竹石則文洋州之畏友逃而之佛則裴相國楊學士之禪那以是律三君子有一乎否也當蘇公之生存雖荒州下邑兒童婦女莫不欲一識其面而其言之傳蓋北幽朔而東三韓西達羗戎南過雞林馬人之界而其禁絕之者乃在於廣厦細旃之上角而與之左者談說經術道理之士亟竄而亟欲殺之者亦一時材諛貴臣噫可怪也及公歿且久而廣厦細旃之上其惡漸移而爲好學士大夫至於今慕說之不衰雖然問

其所以能盡公者則自論策之外無幾也吾所以云億不得一也當吾之少壯時與于鱗習爲古文辭其於四家殊不能相入晚而稍安之毋論蘇公文即其詩最號爲雅變雜揉者雖不能爲吾式而亦足爲吾用其感赴節義聰明之所溢散而爲風調才技於予心時有當焉以故取公年譜及傳誌畧存之而復叢公之小言與諸家之評隲紀述瑣屑亦一一附錄約爲十卷名之曰蘇長公外紀而置之山房之几暇日抽一卷佐一觴其不賢於山腴海錯者幾希

蘇長公外紀序

二 燕石齋刊

弇州山人瑯琊王世貞撰



是初稿諸名士列名乃其舊書誤春霖檢閱
反復研勘得之徐字命梓補正音人謂校書
爲掃落葉隨掃隨有信然於見是猶其脫
有遺誤不妨指示再加整正至廿年乙未陳彥輔

蘇長公外紀序

蘇長公外紀目錄

一卷上

一卷下

年譜

遺事

二卷上

二卷中

恩遇

賞譽

二卷下

好士

三卷上

三卷下

志行

政術

四卷上

四卷下

蘇長公外紀

目錄

一

燕石齋刊

詩話

詩話

五卷上

五卷下

詩話

文談

六卷上

六卷下

考誤

玄理

七卷上

七卷中

禪那

調謔

七卷下

出流

八卷上

八卷下

書畫

雜紀

九卷上

九卷下

雜紀

遺跡

十卷上

十卷下

譏評

詩案

十一卷

十二卷

逸編

逸編

曰弇州司寇手編蘇長公外紀十卷

畧題疏事各從其類為目二十約事六百九

十有奇始為殷無美評隲當是善本序而授

蘇長公外紀

目錄

一一燕石齋刊

之陳仲淳自婁東携歸士林爭相繕寫為之

紙貴歲庚寅見馮元甫家刻幾半不免踈鹵

舛錯與原本不類元甫尋病去就金沙醫醫

不起刻亦中廢所謂人琴俱亡矣越今甲午

余從姜伯甫借閱抄本其詮次大都紊雜魚

豕紛紜豈訛以譌傳遂難正邪因徧考長公

全集按題審類刊正重複兼引宋元及我

朝諸小史嘉話并弇州四部稿所載長公事

悉纂而鈎其玄亦撮百餘事次第補入之間

有事類不合者不能妄加釐正遂從弇州初

定余復旁采羣籍又百有餘事系之終卷總
名曰逸編不拘以類友人龔惟成宋賓之孟
直夫陸季高爲余三復叅校或不謬誤如昨
頃携入都門馮開之太史周岐陽武選復爲
考訂更加詳審噫茲數君子者其庶幾得稱
弇州功臣乎哉雖然讀是編而深慨長公在
元豐間以湖州謝表被謗更違御史獄猥有
中使於彭城舟中遣吏追攝遺書老幼一時
驚怖相視恚曰乃公好著書未見益我等而
故怖我等若此乃盡括其囊付之烈焰以滅

蘊女外紀

八目錄

三 燕眉齋刊

迹至宣和間詔嚴天下盡燬公文翰手蹟由
是家藏戶匿十九流落人間而碑埋石瘞棄
捐實多故本集不盡收矣惜哉此暴秦氏燼
餘百一耳錄成紀其歲月藏之燕石齋中



蘓長公外紀一卷上

明瑯琊王世貞編次

新安汪廷訥校定

年譜

五羊王宗稷編

仁宗皇帝景祐三年丙子

先生生於是年十二月十九日乙卯時按先生送沈遼詩云嗟我與君皆丙子又有贈長蘆長老詩云與公同丙子三萬六千日又按玉局文云十二月十九日東坡生日置酒赤壁磯上又按志林云退之以磨蝎為身官而僕以磨蝎為

種長公外紀一卷上

年譜

燕石齋刊

命若以磨蝎為命推之則為卯時生議者以先生十二月為辛丑月十九日為癸亥日丙子癸

亥水向東流故才氣汗漫而澄清子卯相刑晚

年多難

東坡志林韓退之詩我生之辰月宿南斗乃知退之以磨蝎為身官僕以磨蝎為命官平生多得謗譽殆同病也

四年丁丑

燕石齋補

寶元元年戊寅

二年巳卯

康定元年庚辰

慶曆元年辛巳

二年壬午

是年先生七歲已知讀書按先生上韓魏公梅直講書云自七八歲知讀書又按先生長短句集洞仙歌自序云僕七歲時見眉州老尼姓朱年九十餘能知孟昶宮中事又考冷齋夜話載先生云某七八歲時嘗夢游陝右

三年癸未

是年先生八歲入小學按志林云吾八歲入小學以道士張易簡爲師師獨稱吾與陳太初者又按先生作范文正公文集序云慶曆三年某始入鄉校士有自京師來以魯人石守道慶曆聖德詩示鄉先生某從旁竊觀問先生十一人何人也先生曰童子何用知之某曰此天人也耶則不敢知若亦人耳何爲其不可

四年甲申

五年乙酉

按子由作先生墓誌云公生十年而先君宦學四方太夫人親授以書問古今成敗輒能語其要太夫人讀東漢史至范滂傳慨然太息公侍側曰某若爲滂夫人亦許之否乎夫人曰汝能

爲滂吾顧不能爲滂母耶公亦膏厲有當世志
太夫人喜曰吾有子矣又按大全集載東坡少
時語云秦少章言東坡十來歲老蘇曾令作夏
侯太初論有人能碎千金之壁不能無失聲於
破釜能搏猛虎不能無變色於蜂蠆之語老蘇
愛此論年少所作故不傳又按趙德麟所編侯
鯖錄云東坡年十歲在鄉里見老蘇誦歐公謝
宣石赴學士院仍謝賜對衣金帶及馬表老蘇
令坡擬之其間有匪伊垂之帶有餘非敢後也
馬不進老蘇喜曰此子他日當自用之

種長公外紀二卷上年譜

三燕石齋刊

六年丙戌

七年丁亥

先生年十二按先生所作天石硯銘曰某年十
二時於所居紗縠行宅隙地中與羣兒鑿地爲
戲得異石鏗然扣之有聲又按先生作鍾子翼
哀詞云某年十二先君宮師歸自江南又按先
生與曾子固書云祖父之沒某年十二矣

八年戊子

皇祐元年己丑

二年庚寅

三年辛卯

四年壬辰

先生年十七按長短句滿庭芳序云余年十七始與劉仲達往來於眉山

五年癸巳

至和元年甲午

先生年十九始娶眉州青神王方女按先生作王氏墓誌云生十有九歲而歸於某至治平二年王氏卒年二十有七以王氏年數考之則甲午年歸於先生明矣

蘇長外紀一卷上

年譜

四

二年乙未

是歲先生年二十游成都謁張安道按先生作樂全先生文集序云某年二十以諸生見公成都一見待以國士有晁美叔是年求交於先生按送美叔詩云我生二十無朋儔當時四海一子由君來扣門若有求

嘉祐元年丙申

先生年二十一舉進士按鳳鳴驛記云始余丙申歲舉進士過扶風求舍於館人不可而出次於逆旅又有寫老蘇送石舍人序

二年丁酉

先生年二十二赴試禮部館於興國寺浴室院
按先生作興國六祖畫贊云余嘉祐初舉進士
館於興國浴室院時歐陽文忠公考試得先生
刑賞忠厚之至論以爲異人欲冠多士疑曾子
固所爲子固文忠門下士也乃寘先生第二復
以春秋對義居第一及殿試章衡榜中進士乙
科始見知於歐陽公及韓魏公富鄭公皆待以
國士又按先生作太息一篇送秦少章歸京云
昔吾舉進士試名於禮部歐陽文忠公見吾文

蘊長公外紀一卷上

年譜

五

且曰此吾輩人也吾當避之是時士以剽裂爲
文訕公者成市又有上韓太尉書某年二十有
二矣及有上梅直講書是年先生登第之後四
月丁太夫人武陽君程氏憂按司馬溫公作程
夫人墓誌云夫人以嘉祐二年四月癸丑終於
鄉里又按老蘇寄文忠公書云二子不免丁憂
今已到家

三年戊戌

四年己亥

是歲先生年二十四服除十二月侍老蘇舟行

適楚按先生南行前集序云己亥之歲侍行適楚舟中無事雜然有觸於中而發於詠嘆蓋家君之作與弟轍之文皆在焉謂之南行集

五年庚子

是歲先生年二十五授河南府福昌縣主簿有新渠詩其序云庚子正月予過唐州太守趙侯始復之陂䟽召余爲新渠詩五章以告於道路致侯之意

六年辛丑

是年先生二十六應中制科入第三等有應制

籍表外紀卷上

年譜

六

科上兩制書及上富丞相書又有謝應中制科啟授大理評事鳳翔府僉判按先生有感舊詩序云嘉祐中予與子由奉制策寓居懷遠驛時年二十六子由年二十三耳是年十二月赴鳳翔任與子由別馬上賦詩到任有石鼓詩云冬十二月歲辛丑我初從政見魯叟及有鳳翔八觀及鳳鳴驛記

七年壬寅

先生年二十七官於鳳翔二月有詔郡吏分徙屬外決囚作詩五百言寄子由又有壬寅重

九不預會游普門寺僧閣有懷子由詩及按志
林有論太白山舊封公爵爲文記之是歲嘉祐
七年也又有記歲暮鄉俗三首以子由和守歲
詩考之云顧兔追龍蛇子由注云是歲壬寅乃
知記歲暮鄉俗三詩作於壬寅歲矣

八年癸卯

先生年二十八官於鳳翔作思治論

英宗皇帝治平元年甲辰

先生年二十九官於鳳翔

二年乙巳

蘇軾外紀卷上全譜

七

先生年三十自鳳翔罷任按子由作先生墓誌
銘云治平二年罷還判登聞鼓院 英宗皇帝
在藩邸聞先生名欲以唐故事召入翰林宰相
限以近例召試秘閣皆入三等得直史館是年
通義郡君王氏卒於京師

二年丙午

先生年三十一在京師直史館丁老蘇憂扶護
歸蜀按歐陽文忠公作老蘇墓誌云明允大常
因革禮書一百卷書成方奏未報君以疾卒實
治平三年四月戊申也又按張安道作老蘇文

按先生墓表云太常禮書成未報以疾卒實治平三年四月也 英宗皇帝聞而傷之命有司具舟載其喪歸葬于蜀

四年丁未

先生年三十二居服制中以八月壬辰葬老蘇於眉州

神宗皇帝熙寧元年戊申

先生年三十三免喪按四菩薩閣記云載四菩薩版以歸既免喪嘗與往來浮屠人勸其爲先君捨施爲大閣以藏之作記乃熙寧元年十月

嘉長公外紀一卷上

年譜

八 燕石齋刊

二年己酉

先生年三十四還 朝監官告院按烏臺詩話云熙寧二年某在京授差遣與王詵寫詩賦及蓮華經

三年庚戌

先生年三十五監官告院有送章子平詩其序云熙寧三年子平自右司諫直集賢院出牧鄭州賦詩餞之又有送錢藻知婺州詩分韻得英字送曾子固倅越詩分韻得燕字烏臺詩話云舊例館閣補外同舍餞送必分韻又有寄劉貢

爾詩是年范景仁嘗舉先生文諫官

四年辛亥

先生年三十六任監官告院兼判尚書祠部王
荆公欲變科舉 上疑焉使兩制三館議之先
生獻三言荆公之黨不悅命攝開封府推官有
奏罷買燈䟽御史知雜事誣奏先生過失未嘗
一言以自辯乞外任避之除通判杭州有赴任
過揚州與劉貢甫孫巨源劉莘老相聚數月用
逐人字作詩十一月到任有初到杭州寄子由
兩絕除夕先生以通判職事直都廳日暮返舍
蘓長外紀一卷上 全詩

九 蘇石齋刊 地

題一詩於壁

五年壬子

先生年三十七在杭州通判任是歲有牡丹記
其序云熙寧五年三月二十三日余從太守沈
公觀花於吉祥寺是年科塲先生監試有呈試
官詩及試院煎茶詩催試官考較戲作八月十
七日登望湖樓是日榜出與試官兩人復留有
五絕句又有送杭州進士詩序云熙寧五年錢
塘之士貢於禮部者九人十月乙酉宴於中和
堂作是詩以勉之十二日運司差先生往湖州

拾二十三年乃知納朝雲在是年明矣朝雲年
三十四是爲癸卯生來事先生方十二云先生
以子由在濟南求爲東州守按子由超然臺賦
序云子瞻通守餘杭三年不得代以轍之在濟
南也求爲東州守旣得請高密五月乃有移知
密州之命按先生作勤上人詩集序云熙寧七
年余自錢塘起高密又按先生辛未別天竺觀
音詩序云余昔通守錢塘移蒞膠西以九月二
十日來別南北山道友乃知先生以秋末去杭
按先生記游松江說云吾昔自杭移高密與楊
龜長公糾一卷止六年譜

十 燕石齋刊

元素同舟而陳令舉張子野皆從余過李公擇
於湖遂與劉孝叔俱至松江夜半月出置酒垂
甔亭上子野年八十五以歌詞聞於天下作定
風波令及道過常州爲錢公輔作哀辭及有與
段屯田詩云龍鍾三十九勞生已強半歲暮日
斜時還爲昔人嘆是年又作鳧繹先生文集序
又有師子屏風贊云潤州甘露寺有唐李衛公
所留陸探微畫師于版余自錢塘移守膠西過
而觀焉是年先生在潤州道上過除夜則師子
贊必在是年矣又有潤州道上過除夜詩兩絕

相度堤圩利害與湖州太守孫莘老相見有贈
莘老七絕及作山村五絕是歲又作送杜子方
詩及臘月游孤山訪惠勤惠思二僧有詩

六年癸丑

先生年三十八在杭州通判任有八月十五觀
湖詩寫於安濟亭上及作 仁宗皇帝飛白記
其畧云熙寧六年冬以事至姑蘇安簡王公子
誨出所賜公端敏二字又有作錢塘六井記其
畧云熙寧五年太守陳公述古至閭民之利病
明年春六井畢脩故詳其語以告後人運司又

蘇公外紀一卷上一年譜

十 燕石蘇州施

差先生往潤州道出秀州錢安道送茶和詩是
歲有次韻章傳道詩和劉貢甫秦字韻詩寄劉
道原詩及和陳述古冬日牡丹詩四絕又有題
贈法惠師小童思聰

七年甲寅

先生年三十九在杭州通判任正月遊風水洞
推官李泌先行三日留風水洞相待有詩題壁
是年納侍妾朝雲墓誌云朝雲姓王氏錢塘人
事先生二十有三年紹聖三年卒於惠州年三
十四以歲月考之熙寧之甲寅至紹聖之丙子

八年乙卯

先生年四十到密州任有上韓丞相論災傷書其到任二十餘日矣又論密州鹽稅又作後杞菊賦其序云予仕宦十有九年家日益貧移守膠西而齋厨索然按先生丁酉年登第至是恰十九年是年有送劉孝叔吏部詩及和李公擇來字韻詩及常山祈雨感應立雩泉

九年丙辰

先生年四十一在密州任作刻秦篆記云熙寧九年丙辰蜀人蘇某來守高密是年中秋歡飲

蘇長公外紀一卷上

八年譜

十二燕石齋刊

達旦作水調歌頭懷子由及作薄薄酒二章又寫超然臺記寄李清臣又祭常山神文書膠西蓋公堂照壁畫贊及作山堂銘作表忠觀碑

十年丁巳

先生年四十二在密州任就差知河中府已而改知徐州四月赴徐州任有留別釋迦院牡丹呈趙倅詩按子由作先生墓誌云自密徙徐是歲河決曹村乃知是丁巳自密改東徐又與子由相會於澶濮之間相約赴彭城留百餘日宿於逍遙堂子由有兩絕先生和之徐州水患大

作七月十七日河決澶州曹村八月二十一日
及徐州城下先生治水有功至十月五日水漸
退城以全 朝廷降詔獎諭作河復詩韓幹畫
馬歌司馬君實衛樂園詩及送范蜀公往西京
詩又有和子由水調歌頭詞及有與王定國顏
長道泛舟詩有曰頭四十二年非之句

元豐元年戊午

先生年四十三在徐州任適值春旱徐州城東
二十里有石潭置虎頭其中可致雷雨作起伏
龍行是年三月始識王迥子高聞與先人周瑀

撫長公外紀一卷上六年譜

十三燕石齋刊

英遊作芙蓉城詩二月有 旨賜錢二千四百
一十萬起夫四千二十三人及發常平錢米改
築徐州外小城創木岸四以獎諭 勅記併刻
諸石為熙寧防河錄云迺即徐州城之東門為
大樓聖以黃土名之曰黃樓以土實勝水故也
子由作黃樓賦先生跋云元豐元年八月癸丑
樓成九月庚辰大合樂以落之又有中秋月三
首云六年逢此月五年照離別先生注云中秋
有月凡六年矣惟去歲與子由會於此去歲之
會乃道暹堂和詩之時也又有九月黃樓作古

詩一首云去年重陽不可說南城夜半千謳發
之句以去年九月大水未退故有是語又作故
鶴亭記滕縣公堂記鹿鳴燕詩序和魯直古風
二首及次韻潛師放魚和舒堯文祈雪詩祭文
與可及作石炭詩又作日喻一篇

二年巳未

先生年四十四在徐州任正月巳亥同畢仲孫
舒煥八人游泗之上登石室使道士戴日祥鼓
雷氏琴先生有記按玉局文云僕在徐州王子
立子敏皆館於官舍而蜀人張師厚來過二王

穆哀外紀一卷上三筆譜

十四 燕石齋刊

方年少吹洞簫飲酒杏花下三月自徐州移知
湖州按先生作張氏園亭記云余自彭城移守
吳興由宋登舟三宿而至其記乃三月二十七
日所作乃知三月移湖州明矣是年以四月二
十九日到湖州任作送通教大師還杭州序及
爲章質夫作思堂記王定國作三槐堂記跋歐
陽文忠公家書後在湖州王子立子敏皆從先
生作子立墓誌云子立子敏皆從余學於吳興
學道日進東南之士稱之有與王卽昆仲及兒
子邁遠城觀荷花登峴山亭晚入飛英寺分韻

得月明星稀四首又有泛舟城西會者五人分韻得人皆苦炎字四首又作文與可畫簣營谷偃竹記其末云元豐二年七月七日予在湖州曝書見畫廢卷而哭失聲是歲言事者以先生湖州到任謝表以爲謗七月二十八日中使皇甫遵道湖州追攝按予立墓誌云予得罪於吳興親戚故人皆驚散獨兩王子不去送予出郊曰死生禍福天也公其如天何返取予家致之南都又按先生上文潞公書云某始就建赴獄有一子稍長徒步相隨其餘守舍皆婦女幼稚

蘄蒙外紀卷上六年譜

十五 燕石齋刊

至宿州御史符下就家取書州郡望風遣吏發卒圍船搜取長幼幾怖死既去婦女恚罵曰是好著書書成何所得而怖我如此悉取焚之八月十八日赴臺獄中有寄子由詩二首及賦榆槐竹栢四詩又有十二月二十日恭聞 太皇太后升遐吏以其罪人不許成服欲哭則不可欲泣則不敢作挽詩二首已而獄具十二月二十九日責授黃州團練副使本州安置是年子由聞先生下獄上書乞以見任官職贖先生罪責筠州酒官出獄再次寄子由二詩韻有百日

歸期恰及春之句先生自八月坐獄至是踰百
日矣

三年庚申

先生年四十五責黃州自京師道出陳州子由
自南郡來陳相見三日而別先生有古詩有便
爲齊安民之句又與文逸民飲別攜手河堤上
作詩與子由別乃正月十有四日也至十八日
蔡州道上遇雪有次子由韻古詩二首過新息
縣有示鄉人任師中一首任俊字師中眉州人
嘗倅黃州卜居新息先生以詩示之又有過淮
蘇長外紀卷上全譜

十六蕪齋刊

詩游淨居寺詩至岐亭訪故人陳慥季常爲留
五日賦詩一首而去乃以二月一日至黃州寓
居定惠院有初到黃州詩按先生別王文甫子
辯云僕以元豐三年二月一日到黃州家在南
都獨與兒子邁來是年五月子由來齊安先生
有詩迎之又有曉至巴河迎子由詩乃與子由
同游武昌西山寒溪寺有古詩一首定惠顛師
爲先生竹下開囂軒作詩記其事又作五禽言
又有定惠寺寓居月夜偶出詩云去年花落
在徐州對月酣歌美清夜今年黃州見花發小

閉門風露下蓋懷在徐州與張顛厚王子立子
敏飲酒杏花下時也定惠有海棠一株士人不
知其貴先生作詩有也知造物有深意故遣佳
人在幽谷之句按近日黃州東坡圖云先生寓
居定惠未久以是春遷臨臯亭乃舊日之回車
院也又有遷居臨臯亭詩先生就臨臯亭立南
堂有詩五絕又有讀戰國策及作石芝詩先生
是歲又有荅秦太虛書借得本州天慶觀道士
堂冬至後坐四十九日先生乳母任氏八月卒
於臨臯亭刻有墓誌葬於黃岡按先生上文潞
蘓長公外紀一卷上六年譜

十七 燕石齋刊

公書云到黃州無所用心覃思易論語若有所
得由是言之先生到黃定居之後即作易傳九
卷論語五卷必始於是歲矣

四年辛酉

先生年四十六在黃州寓居臨臯亭正月往岐

亭訪陳季常以岐亭五首考之云元豐四年正

月岐亭爲留五日明年正月復往見之過古黃

州獲一鑑周尺有二寸有鑑銘云元豐四年正

月余自齊安往岐亭泛舟而還過古黃州獲一

鑑周尺有二寸是年先生請故營地之東名之

以東坡考東坡八首序云余至黃二年日以困
匱故人馬正卿哀予乏食於郡請故營地使躬
耕其中蓋先生庚申來黃至辛酉爲一年矣以
東坡圖考之辛酉方營東坡次年始築雪堂以
贈孔毅甫詩觀之去年東坡拾瓦礫今年刈草
蓋雪堂則雪堂作於壬戌歲明矣又有中秋日
飲酒江亭上有贈鄭君求字及記游松江說聞
捷說按大全集雜說云元豐辛酉冬至僕在黃
州姪安節遠來飲酒樂甚以識一時盛事又有
冬至贈安節詩云平生幾冬至少小如昨日又
種麥外紀一卷上年譜

十八 蘇石芥升

有與安節夜坐賦繁字韻詩三首及正月過岐
亭作應夢羅漢記

五年壬戌

先生年四十七在黃州寓居臨臯亭就東坡築
雪堂自號東坡居士以東坡圖考之自黃州城
南至雪堂四百三十步雪堂間云蘇子得廢圃
於東坡之脇號其正曰雪堂以大雪中爲之因
繪雪於四壁之間無容隙其名蓋起於此先生
自書東坡雪堂四字以榜之試以東坡圖考雪
堂之景堂之前則有細柳前有浚井西有微泉

堂之下則有大冶長老桃花茶巢元脩菜何氏
叢橘種秫稌藜粟粟有松期爲可斲種麥以爲
奇事作陂塘植黃桑皆足以供先生之歲用而
爲雪堂之勝景云耳以長短句擬斜川觀之元
豐壬戌之春予躬耕東坡築雪堂以居之南挹
四望亭之後西控北山之微泉慨然而嘆此亦
斜川之游也作江城子詞是年三月先生以事
至蘄水觀悼徐德占詩序云元豐五年三月余
以事至蘄水德占惠然見訪又有春夜行蘄水
過酒家飲酒乘月至一橋上曲肱少休作西江
蘄長外紀二卷上年譜

十九

月詞又游蘄水清泉寺作浣溪沙詞又作寒食
詩二首云自我來黃州已見三寒食先生庚申
二月來黃至是三寒食矣太守徐君猷分新火
先生有詩謝之有臨臯亭中一危坐三見清明
改新火之句七月遊赤壁有赤壁賦云壬戌之
秋七月既望蘇子與客泛舟遊於赤壁之下十
月又游之有後赤壁賦以東坡圖考之後赤壁
賦云十月既望蘇子步自雪堂將歸於臨臯則
壬戌之冬未遷而先生以甲子六月過汝則居
雪堂止年餘由是推之先生自臨臯遷雪堂必

在壬戌十月之後明矣又有和孔毅甫父早已
其兩首云去年太歲空在酉乃知指去年辛
酉而言之也又按長短句有飲王文甫家集古
句作墨竹定風波及夢扁舟望樓霞作鼓笛慢
及記覃驥孫兆事迹作怪石供及重九作醉蓬
萊示黃守徐君猷有羈旅三年之句先生庚申
來黃至是恰三年矣

六年癸亥

先生年四十八在黃州爲通判孟亨之跋子由
君子泉銘及有題唐林父筆文閣八月有詩與

蘇長公外紀卷上六年譜

二十一

武昌王簿吳亮工又有記承天夜游云元豐六
年十月十二夜解衣欲睡月色入戶欣然起行
念無與樂者遂步至承天寺尋張懷民懷民亦
未睡相與步於中庭庭中如積水空明水中藻
荇交橫蓋竹柏影也何夜無月何處無竹柏但
少人間如吾兩人耳及作一絕送曹煥往筠州
序云明年余過圓通始得其詳先生甲子歲自
黃之江遊廬山則送曹煥詩必在是年矣又夢
中作祭春牛文云元豐六年十二月二十七日
天欲明夢數吏人持紙請祭春牛文予取筆疾

書其上

七年甲子

先生年四十九在黃州二月與徐得之參寥子步自雪堂至乾明寺有師中庵題名文有記定惠寺海棠說四月乃有量移汝州之命按先生長短句滿庭芳序云四月一日余將自黃移汝留別雪堂鄰里二三君子李仲覽來書以遺之詞中有坐見黃州再閏之句按東坡圖云郡人潘邠老及弟大觀俱以詩知名多從先生游先生去以雪堂付之邠老因以居焉四月六日又

蘇長公外紀一卷上年譜

子一燕齋刊施

作安國寺記有別黃州詩有過江夜行武昌山上聞黃州鼓角詩黃州送先生者皆至於慈湖陳季常獨至九江既到江州和李太白潯陽宮詩其序云今余亦四十九感之次其韻因游廬山有記遊廬山說云僕初入廬山谷奇秀平生所欲見應接不暇不欲作詩已而山中僧俗皆曰蘇子瞻來矣不覺作一絕入關先寺主僧求詩作瀑布一絕往來十餘日作漱玉亭三峽橋詩與總老同荐西林有贈總老及題西林壁皆絕句也又在寫寶蓋頌與僮長老其序云圓

道禪院先君舊游也四月二十四日晚至宿焉
明日先君忌日爲寶蓋頌以贈長老僊公蓋先
生端午已在筠州計程必作宮師忌日之後即
爲高安之行矣途中又有題李公擇山房及過
建昌李野夫公擇故居有古詩一首按跋李志
中文云元豐七年某舟行赴汝乃自富川陸走
高安別家弟子由以冷齋夜話考之子由在筠
州雲庵居洞山聰禪師亦蜀人居壽聖寺一夕
三人同夢迎五祖戒和尚拊手大笑曰世間果
有同夢者異哉久之東坡書至曰已至奉新且

蘇長公外紀一卷上八年譜

二十二燕石齋刊

旌

夕相見三人同出二十里建山寺而東坡至各
追繹所夢坡曰某年七八歲時嘗夢其身是僧
往來陝右雲庵驚曰我陝右人也暮年棄五祖
來游高安終於大愚逆數蓋五十年而坡時年
四十有九矣又以先生古詩考之有自興國往
筠宿石田驛詩及將至筠州先寄遲適遠三猶
子詩端午遊真知寺及別子由三首在筠州爲
留十日又有初別子由至奉新作皆先生筠州
之作也七月過金陵有與葉致遠唱和詩途中
又有送沈達赴廣南詩云嗟我與君皆丙子四

十九年窮不仕又云我方北渡脫重江君復南
行輕萬里逼歲到泗州十二月十八日浴雍熙
塔下作如夢令兩闕又作滿庭芳與劉元達序
云余年十七與仲達往來於眉山四十九相逢
於泗上晦日同游南山話舊感歎又有跋李志
中文天石硯銘又作水龍吟及有謝黃師是除
夜送酥酒詩先生上表乞於常州居住其畧云
今雖已至泗州而貲用罄竭見一面前去南京
聽候 朝旨又考騾馱驛試筆云正月四日離
泗州則是除夜在泗州明矣

蘇長公外紀一卷上六年譜

二十三燕石齋刊 施

八年乙丑

先生年五十按大全集雜說騾馱驛試筆云今
日離泗州然吾方上書求居常州乃正月四日
書及到南京有放歸陽羨之命遂居常州五月
內復朝奉即知登州再過密州有贈太守霍翔
詩云十年不赴竹馬約蓋先生丁巳歲去密至
是以成數爲十年矣過海州嘆高麗館壯麗作
一絕到郡五日以禮部郎官召到省半月除起
居舍人在登州有海市詩又有別登州舉人詩
有休嫌五日忽忽守之句又有贈杜介詩又題

楞伽跋多寶院文又有題登州蓬萊閣及跋起
居錢公文後

哲宗皇帝元祐元年丙寅

先生年五十一以七品服入侍延和改賜銀緋
尋除中書舍人按志林云元祐元年余爲中書
舍人復遷翰林學士知制誥是年有法靈寺鍾
銘又作真相院釋迦舍利塔銘及作元祐元年
九月六日明堂赦文又有內中告遷神御於
新添脩殿奉安祝文及奉告天地社稷宗廟宮
觀寺院祈雪祝文五嶽四瀆祈雪祝文及任中
樞長公外紀一卷上六年譜

二十四燕石齋刊

書舍人日舉江寧府司理周種充學官及除內
翰又有舉魯直自代狀

二年丁卯

先生年五十二爲翰林學士復除侍讀有書石
舍人北使序後及有與喬全寄賀君詩其序云
元祐二年全來京師十數日予留之不可又有
二月八日朝退起居院感申公故事作一絕又
有書子由日本扇後及作祭王宜甫文又作興
國寺六祖畫贊至嘉祐初舉進士館於興國浴
室院去三十一一年而中書舍人彭器資亦館

於是徐往見~~之~~按先生嘉祐丁酉舉進士至元
祐丁卯恰三十年矣是年又作西京應天院脩
神御畢告遷諸神祝文及奉安 神宗皇帝神
御祝文及景靈宮宣光殿奉安 神宗皇帝御
容祝文五嶽四瀆祈雨祝文天地宗廟社稷祈
雨祝文景靈宮天興殿開淘井眼祭告里域真
官祝文

三年戊辰

先生年五十三任翰林學士有和子由元日省
宿致齋有白髮蒼顏五十三之句是年省試先

魯長外紀一卷上六年論

二十五燕石齋刊

生知貢舉開院日有與李方叔詩序云僕與李
廌方叔相知久矣僕領貢舉事李不得第愧甚
作詩謝之又和錢穆父雪中見及有行避門生
時小飲之句又充館伴比使按先生與陳傳道
書云某頃伴虜使頗能誦某文乃知先生高文
大冊傳播夷夏又豈止及於雞林行賈而已哉
是年作呂大防范純仁左右相制端午帖子詞
元祐三年六月德音赦文及作西路闕雨祈雨
祝文按趙德麟侯鯖錄云東坡云元祐三年二
月二十一日史魯直祭天~~時~~會於伯時舍錄鬼

仙詩文有議論作詩付過又有論樂等說及與王晉卿論雪堂義墨及爲文驥作字說又十二月二十一日立延和殿中論盛度誥詞

四年己巳

先生年五十四任翰林學士有東太一宮脩殿告十神太一真君祝文三月內累章請郡除龍圖閣學士知杭州按子由作先生墓誌云宣仁心善先生辯蔡持正之謗出郊遣內侍賜龍茶銀合用前執政恩例先生以七月三日到杭州任謝表云江山故國所至如歸父老遺民與

蘇軾外紀卷上六年譜

二十六燕石齋刊

臣相問以先生去杭州十六年故有是語爾到任有謁文宣王廟祝文云昔自太史通守是邦今由禁林出使浙右又有謁諸廟祝文先生之帥杭也贊林子中先生有和子中詩有江邊遺愛啼斑白之句是年過吳興又作定風波爲六客詞作范文正公文集序及跋邢惇夫賦書米元章又有己巳重九和蘇伯固點絳唇是歲子由使契丹先生有詩送之有單于若問君家世莫道中朝第一人之句先生出牧餘杭子由代先生爲學士

五年庚午

先生年五十五在杭州任有論西湖狀及論高麗公案有謝元祐五年曆日表有與劉景文蘇伯固游七寶寺題竹上絕句又有庚午重九點絳唇十月二十六日與晦老全翁元之敦夫遊南屏寺記點茶試墨說十二月遊小靈隱聽林道人彈琴及有乞僧子珪師號狀除夜有和熙寧中題都廳詩序云熙寧中某通守此邦除夜題一詩于壁今二十年矣蓋熙寧辛亥至元祐庚午恰二十年是年又有書朱象先畫後及問

蘇長公外紀一卷上

年譜

二十七燕石齋刊

淵明說

六年辛未

先生年五十六在杭州任被召按先生作別天竺觀音三絕序云以五月九日發 旨赴闕又按先生作參寥泉銘云予以寒食去郡又上元作會有獻剪綵花者作浣溪沙寄袁公濟先生之去杭也林子中復來替先生是以先生與子中啟有適相先後之說過潤州作臨江仙別張秉道既到京師除翰林承旨復侍邇英按子由作穎濱遺老傳云先生召還本除吏部尚書

復以臣故改給林承旨臣之私意元不遵安之
寢臣新命與兄尚備從官不報六月作上清儲
祥宮碑其畧云元祐六年六月丙午 制詔臣
某上清儲祥宮成當書之石臣待罪北門記事
之成職也按趙德麟侯鯖錄云先生元祐中再
召入院作承旨乃益舊擬作衣帶馬表云枯羸
之質匪伊垂之帶有餘歛退之心非敢後也馬
不進數月以弟孃請郡復以舊職知穎州按先
生懷舊別子由詩云元祐六年予自杭州召還
寓居子由東府數月復出領汝陰時予年五十

蘇長公外紀卷上

年譜

三人燕石齋刊

六矣到任有謁文宣王及諸廟文有祭歐陽文
忠文及有到穎未幾公帑已竭齋厨索然戲作
數句按趙德麟侯鯖錄云元祐六年冬汝陰久
雪人饑一日天未明東坡先生簡召議事曰某
一夕不寐念穎人之饑欲出百餘千造炊餅救
之老妻謂某曰子昨過陳見傳欽之言僉判在
陳賑濟有功不問其賑濟之法某遂相招令時
面議曰已備之矣今細民之困不過食與火耳
義倉之積穀數千石便可支散以救下民作院
有炭數萬秤酒務有柴數十萬秤依元價賣之

可濟中民先生曰吾事濟矣遂草放積欠賑濟
奏陳儀常有詩先生次韻有可憐擾擾雪中人
之句爲是故也由此觀之先生善政救民之饑
直得循吏之體矣又有聚星堂雪詩祭辯才文
跋張垂崖文後及志林載夢中論左傳說及論
子厚瓶賦又有十二月二日與歐陽叔弼季默
夜坐記道人問真說是年潁州災傷先生奏乞
罷黃河夫萬人開本州溝瀆從之

七年壬申

先生年五十七在潁州任按趙德麟侯鯖錄云

蘇長公外紀二卷二年譜

二十九燕居齋

元祐七年正月東坡在汝陰州堂前每花大開

月色鮮霽先生王夫人曰春月色勝秋月色

秋月令人慘悽春月令人和悅何如召趙德麟

輩來飲此花下先生大喜曰吾不知子亦能詩

耶此真詩家語耳遂召與二歐飲先生用是語

作減字木蘭花有不似秋光只與離人照斷腸

之句已而改知揚州先生之在潁也與趙德麟

同治西湖未幾有維揚之命三月十六日湖成

德麟有詩見懷先生次韻又再和之及作雙石

詩示儔友按冷齋夜話云東坡鎮維揚幕下皆

奇豪一日石塔長老求解院歸西湖坡將俛佐袖中出疏使是無咎讀之其詞有爲東坡而少留之句已而以兵部尚書召有召還至都門先寄子由詩有一味豐年說淮頰之句復兼侍讀是年南郊先生爲鹵簿使尋遷禮部尚書遷端明侍讀學士有讀朱暉傳題文潛語後及作醉翁操任兵部尚書日有薦趙德麟狀

八年癸酉

先生年五十八任端明侍讀二學士是年先生繼室同安郡君王氏卒於京師按先生作西方

蘇長公外紀一卷上今年譜

三十燕石齋

阿彌陀贊序云蘇某之妻王氏元祐八年八月

一日卒于京師謹按先生初娶通義郡君王氏

乃同安之堂姊也先生祭王君錫丈人云其始

婚姻公之猶子兄有令德天閼莫遂惟公幼女

嗣執壘籬由是推之通義爲同安之堂姊明矣

但未能究先生再娶之歲月耳又有八月二十

七日建隆章淨館成一絕有坐待宮人畫詔回

之句復以二學士出知定州九月十四日東府

雨中作示子由云去年秋雨時我在廣陵歸今

年中山去白首歸無期蓋定州之除必在九月

內矣到定州任有祭韓魏公文書定州學士硯
蓋作中山松醪賦是年又作杜輿子師字說及
論子方壘有夢南軒語

紹聖元年甲戌

先生年五十九知定州就任落兩職追一官知
英州有辭宣聖文行至滑州有乞舟行赴英州
狀云帶家屬數人前去汴泗之間乘舟泛江倍
道而行至南康軍出陸赴任未到任間再貶寧
遠軍節度副使惠州安置過虔州有記真君籤
說云八月二十一日過虔州與王巖翁同謁祥

菴長外紀一卷上年譜

三十一燕石齋

符宮又有爵孤臺游字韻詩與霍守李倬更和
數首又有初入贛州作又有題天竺樂天石刻
余年幼時先君自虔州歸言天竺有樂天詩今
四十七年矣蓋先生年十二老蘇歸自江南至
是恰四十七年矣是年以十月三日到惠州寓
居嘉祐寺有初到惠州詩當月十二日與幼子
過同遊白水佛迹浴於湯池有古詩又按長燈
句浣溪沙序云紹聖元年十月十三日與程鄉
令侯晉叔歸善簿覃液游大雲寺野飲松下設
松黃湯作此闕余家近釀酒名曰萬家春時有

虔州鶴田處士王原子直不遠千里來訪先生
留七十日而去至十一月有戲贈朝雲詩朝雲
先生侍妾也又錄三十九歲潤州道上過除夜
兩絕付過及有跋朱表臣藏文忠公帖又有與
吳秀才書吳乃子野之子其書云過廣州買得
沉檀數斤定居之後杜門燒香深念五十九歲
之非矣是年九月過廣州訪道士何德順又有
記仙帖又作雪浪石盆銘又就嘉祐寺所居立
思無邪齋有贊乃紹聖元年十月二十日所作
也

蘇長公集卷上 年詩

二十二 燕石齋

二年乙亥

先生年六十在惠州有惠州上元夜詩詩云去
年中山府老病亦宵興今年江海上雲房寄山
僧以歲月考之去年甲戌上元先生知定州今
歲乙亥寓嘉祐僧舍故有雲房寄山僧之句是
年遷居于合江亭以先生別王子直語觀之紹
聖三年十月三日始至惠州寓於嘉祐寺明年
遷于合江之行館得江樓豁徹之觀志幽谷窈
窕之趣乃知乙亥歲遷居合江樓明矣仍有松
江亭上賦梅花詩三首及有先生行年六十化

之句三月四日同太守詹範器之柯常林柈王
原賴仙芝同遊白水山又有與陳季常書云到
惠州將半年矣先生以去年十月三日到惠州
三月恰半年矣又有九月二十七日惠州星華
館思無邪齋書記外祖程公逸事又有朝斗記
讀管幼安傳書魯直跋遠景圖北齋校書圖後
又有爲幼子過書金光明經後及付僧惠誠遊
吳中代書及祭妹德化縣君文有葬枯骨銘時
詹守議葬暴骨先生詩有江干白骨已銜恩之
句

蘇長公外紀一卷上

八年譜

三三燕居齋

三年丙子

先生年六十一在惠州有和陶淵明移居詩云
余去歲三月自水東嘉祐寺遷去合江樓迨今
一年得歸善後隙地數畝父老云吉白鶴觀也
意欣然居之營白鶴新居始於是矣詩中乃有
葺思無邪齋之句先生甲戌寓居嘉祐寺已有
思無邪齋贊矣乙亥遷合江樓先有書程公逸
事于星華館思無邪齋今丙子欲營新居又曰
葺思無邪齋雖三年之間遷居不常意其思無
邪齋之名亦隨寓而安矣當年惠州脩東西新

橋先生助以犀帶而子由亦以史夫人頃入內
所賜金錢數千爲助及橋成日先生有詩落之
乃有嘆我捐腰犀及有探囊賴故侯寶錢出金
閨之句又有墨秀道人來訪先生而先生題其
詩卷云予在廣陵曇秀作詩予和之後五年曇
秀來惠州見予且先生以壬申知揚州至是恰
五年矣時吳遠逢陸道士客于先生歲暮以無
酒爲嘆先生和淵明和張常侍詩云我年六十
一顏景薄西山是年又有丙子重九詩二首及
書東臯子傳後祭寶月大師文七月朝雲卒先
蘇長公外紀一卷上年譜

三十四 燕石齋

生有詩悼之及作墓誌又於惠州栖禪寺大聖
塔葬處作亭覆之名之六如亭又除夜前兩日
與吳遠遊有記食芋說按先生和淵明時運詩
丁丑二月十四日白鶴峯新居成計其營新居
之棟宇必在丙子秋冬之交有白鶴峯上梁文
四年丁丑

先生年六十二在惠州正月六日有題劉景文
詩後按先生和淵明時運詩云丁丑二月十四
日白鶴峯新居成又按先生與張天和長官書
云賤累閏月初可到又云承問賤累正月未已

到贛止矣。閏月上旬到此也。又按先生丙子年與毛澤民書云：長子授韶州仁化令，中冬當挈家至此。某已買得數畝地在白鶴峯，上古白鶴觀基也。已令斫木陶瓦作屋二十間。以此考之，先生長子自冬挈家至閏二月方到惠州。按和時運詩序：長子邁與予別三年矣。般挈諸孫萬里遠來，不能無欣然。先生長子挈家必于丁丑閏二月上旬到惠州明矣。所謂二月十四日新居成閏二月也。三月先生作三馬圖及作陸道士墓誌。五月先生謫授瓊州別駕，昌化軍安置。

禮長公外紀一卷上六年譜

三五燕居齋刊二

按志林云：余在惠州，忽被命調儋耳太守。方子容自携告身來弔余曰：此故前定。吾妻沈事僧伽甚誠，一夕夢和尚來辭云：當與蘇子瞻同行。後七十二日有命，今適七十二日矣。豈非前定乎？遂寄家于惠州，獨與幼子過渡海。按子由作先生追和淵明詩序云：東坡先生謫居儋耳，寘家羅浮之下，獨與幼子過負擔過海，又至梧州。寄子由詩序云：吾謫雷被命，即行了不。至梧乃聞其尚在藤也。旦夕當追及至五月。采遇子由於藤州，有藤州城下夜起望月寄鄂道。

士詩自藤出陸六月與子由相別按先生和淵
明移居詩序云丁丑歲余謫海南子由亦謫雷
州五月十一日相遇於藤同行至雷六月十一
日相別渡海有雷州詩八首有行瓊州儋耳肩
輿坐睡中得句而遇清風急雨故作是詩有古
詩一首以七月十三日到儋州有儋州謝表按
先生夜夢詩序云七月十三日至儋州十餘日
矣按子由作先生墓誌云紹聖四年先生安置
昌化初僦官屋以庇風雨有司猶謂不可則買
地築室昌化士人畚土運甓以助之爲屋三間

稽長公外紀一卷上六年譜

三十六燕石齋月二

又按先生與程文父推官書云初至僦官屋數
椽近復遭迫逐不免買地結茆又按先生與程
儒書云近與兒子結茆數椽居之旁費不貲矣
賴十數學者助作躬泥水之役又云新居在軍
城南極湫隘以意測之先生居在軍城南隣於
天慶觀以先生天慶觀乳泉賦考之吾索居儋
耳上築城南隣於司命之宮先生又有枕椰庵
銘云東坡居士謫居儋耳無地可居偃息於桃
柳林中摘葉書銘以記其處是歲又過海得子
由書律詩一首

元符元年戊寅

先生年六十二在儋州有過子上元夜赴郡會
守舍作違字韻詩及有讀晉書隱逸傳嶺南氣
候說錄温嶠問郭文語又於九月四日遊天慶
觀有信道法智說是年吳子野來訪先生而先
生以詩贈之其序云去歲與子野遊逍遙堂因
往山西叩羅浮道院宿于西堂今歲索居儋耳
子野復來相見作詩贈之又有記筮卦云戊寅
十月五日以乂不得子由書憂不去心以周易
策之得渙六三又有記諧說云海南以諸爲糧

蘇長公外紀一卷上六年譜

三十七燕石齋刊周

幾米之十六今歲諸菜不熟以客船方至市有
米也乃戊寅十月二十一日書又有戊寅十一
月一日記海漆說

二年己卯

先生年六十四在儋州有己卯正月十三日錄
盧仝杜子美詩遺薄是時久旱無雨陰翳未快
至上元夜老書生數人相過曰良月差夜先生
能出乎先生欣然從之步城西入僧舍歷小
巷民夷雜採屑沾紛然歸舍已三鼓矣歸錄其
事爲己卯夜書又有二月望日書蒼耳說又第

儋州詩二首有萬戶不禁酒三年夷識翁之節
先生丁丑來儋至是將三年矣是歲閏九月有
瓊州進士姜君弼唐佐自瓊州來儋耳從先生
學又有作墨說及題程全父詩卷後及有辟穀
說又有與姜唐作簡云已取天慶觀乳泉潑建
茶之精者念非君莫與共之又有十月十五日
與姜君簡

三年夷辰

先生年六十五歲在儋州人日聞黃河復作詩
二首至上元又和戊寅違字韻詩題後云戊寅

續表外紀一卷上全譜

三八燕石齋刊周

上元余在儋耳過子夜出守舍作違字韻詩今
庚辰上元已再期矣家在惠州白鶴峯下過子
并婦從余來此又有五穀耗地說記唐村老人
言及黃養中說姜君弼去年閏九月自瓊州來
從先生學三月還瓊州有跋姜君弼課策及有
書椰子厚飲酒讀書二說以贈姜君之行按子
由灤城集有贈姜君詩序云子瞻嘗贈姜君弼
兩句詩云滄海何曾斷地脉白袍端爲破天荒
它日登科當爲子足之必是行以遺之也五月
大赦量移蘆州安置且先生之在儋也食芋飲

水著書以爲樂作書傳以推明上古之絕學又
且謙冲下士情及踈賤日與諸黎遊無間也嘗
與軍使張中同訪黎子雲欲釀錢作屋名之曰
載酒堂矣又嘗上巳日尋諸生皆出獨與老符
秀才飲矣又嘗用過韻與諸生冬至飲酒有愁
顏解符老壽耳聞吳公之句矣注云符吳皆坐
客必老符秀才與吳子野也又嘗以詩紀春夢
婆矣按趙德麟侯鯖錄云東坡老人在昌化嘗
負大瓢行歌田畝間所歌者皆峭遍也媿婦年
七十二云內翰昔日富貴一場春夢坡然之里人

蘇長公外紀一卷上八年譜

三十九燕石齋刊

呼此媪爲春夢婆坡一日被酒獨行遍至子雲
諸黎之舍作詩云符老風流可奈何朱顏減盡
髻絲多按梭每困東隣女換扇惟逢春夢婆是
日復見老符秀才言此春夢婆之實也凡此數
事皆先生海外之逸事也雖三年居儋耳未知
在甚年中今附于庚辰之歲庶以備觀閱云耳
又有儋州與姜君弼書某已得合浦文字又有
與少游書自儋之瓊作凌靈王廟碑云元符三
年有詔徙廉州向西而辭六月過瓊州作惠通
泉記遂渡海有過海詩又有烏冢詩序云徐來

信耳得大曰烏喙予遷合浦過澄邁泗而濟戲
作是詩渡海到蕪州謝表有許承恩而內徒之
句在蕪州有蕪州龍眼質味殊絕可敵荔枝詩
又有題少游學書乃云庚辰八月二十四日書
于合浦清樂軒及記蘇佛兒語別蕪守張左藏
詩此皆在蕪州所作之詩也又有瓶笙詩序云
庚辰八月二十八日劉幾仲餞別東坡中觴聞
笙蕭聲又有與鄭靖老書云到蕪蕪守云公已
行矣志林未成草得書傳十三卷某留此過中
秋或至月末乃行作木柅下水歷容滕至梧與
蕪長公外紀卷上

年譜

四十蕪石齋刊

邁約般家至梧相會迨亦至惠矣是歲又有移
永州之命按先生謝提舉成都府王局觀表云
先自昌化貶所移蕪州又自蕪州移舒州節度
副使永州居住行至英州復朝奉郎提舉成都
府王局觀任便居住經由廣州有將至廣州用
邁字韻寄迨邁二子詩時朱行中舍人知廣州
先生有簡與朱行中云欲服帽請見先令咨稟
廣州少留而行考先生題廣慶寺云東坡居士
渡海北還吳子野何崇道穎堂通三長老黃明
達李公弼林子中自番禺追餞至清遠峽同遊

廣陵寺乃元符三年十一月十五日自此舟行
清遠兄顧秀主談惠州之美遂作詩過英州拜
王局衣除有向公橋詩過韶州有次韻伏守李
倅詩及作九成臺銘是年過嶺作詩二首寄子
由有七年來往我何堪之語蓋先生甲戌謫惠
州已而過海至是爲七年矣次年正月五日過
南安軍計先生渡嶺必是歲除
徽宗皇帝建中靖國元年辛巳

先生年六十六度嶺北歸作南華長老題名記
按題中載石鍾山記云建中靖國元年正月五
日自南陵還過南安軍舊法掾吳君示舊所作

蘓長翁紀卷上

年譜

四十一

石鍾山銘爲題其末乃知先生首正過南安必
矣又有過嶺至南安作一首正月到虔州有與
錢濟明書云某已到虔州二月十間方離此又
和舊所作鬱孤臺詩有虔州士人孫志舉從先
生游先生有和進韻贈志舉先輩云我從海外
歸喜及崆峒春又有和志舉見贈云洒掃古王
局香火通帝闈又用前韻謝崔次之見過云自
我遷嶺外七見槐火春及發虔州過吉州永和
鎮清都觀有謝道士自言丙子生求詩爲賦一

首及爲作贊并寫清都臺三字中途又爲南安軍作學記寫海外所作天慶觀乳泉賦四月卅行至豫章彭蠡之間過成國程夫人忌日廻寫圓通偈云行當施廬山有道者又有與胡仁脩書云旦夕到儀真暫令瀉一至常五月行至真州瘴毒大作病暴下中止於常州按先生寄朱行中詩有至今不貪寶凜然照塵寰之句先生注云前一日夢中作此詩寄行中覺而記之自不曉按近日曾端伯百家詩選至朱行中事迹云東坡夢中寄朱行中一篇南遷絕筆也嗟乎

先生之文如萬斛泉源而乃止於夢中寄行中之作此正絕筆獲麟之義惜哉六月上表請老以本官致仕七月丁亥卒於常州實七月二十八日也子由作先生墓誌云先生七月被病卒於昆陵吳越之民相與哭於市其君子相與弔於家計聞於四方無賢愚皆咨嗟出涕太學之士數百人相率飯僧惠林佛舍嗚呼先生文章爲百世之師而忠義尤爲天下大開加之好賢樂善常若不及是宜計聞之日吐民惜哲人之萎朝野嗟一鑑之逝皆出於自然之誠不可以

強而致也以次年閏六月塋於汝州郟城縣鈞
臺鄉上瑞里

皇清文獻通考卷上

年譜

四十三燕石齋

蘇長公外紀一卷下

明瑯琊王世貞編次

新安汪廷訥校定

遺事

東坡守膠西時熙寧乙卯仕宦十九年家日益貧元豐己未於吳興被逮赴獄黃州安置寓居定惠寺遷臨臯亭就亭立南堂辛酉在黃二年以困匱故人馬正卿爲請故營地使躬耕其中所謂東坡者也明年始就東坡築雪堂以居紹聖甲戌寧遠軍之謫惠州安置寓居嘉祐寺就

蘇長公外紀卷下

遺事

一

寺立思無邪齋明年遷于合江之行館又明年得歸善後隙地數畝營白鶴新居丁丑新居成未幾謫瓊州于昌化軍安置初僦官屋爲有司迫逐乃買地城南結茆數椽鄰天慶觀極湫隘嘗偃息枕椰林中摘葉書銘以記其處在儋四年食芋飲水其窮甚矣元符庚辰得赦北歸明年爲建中靖國辛巳七月丁亥卒于毘陵坡公涉世多難如此徐杭汝潁牧守之樂中書翰林侍從之榮定州方面之貴所得幾何而四十五年間南北奔走風波瘴癘之鄉饑餓勞苦曾不

得一塵環堵爲終老地是故余讀王宗稷所爲
先生年譜深感于心因嘆曰天生斯才而國厄
之如是耶旣而曰孔孟至聖大賢而不能一日
安其身也其如坡公何哉余因述方氏所記并
春渚紀聞以補年譜之遺云燕石齋補餘冬序
五年授河南福昌主簿文忠以直言薦之秘閣
試六論舊不起草以故文多不工公始具草文
義粲然時以爲難比荅制策復入三等除大理
評事簽書鳳翔判官行狀

元符三年大赦北還初徙廡再徙永已乃復朝

蘇長公外紀卷下

遺事

二

奉卽提舉成都玉局觀居從其便公自元祐以
來未嘗以歲課乞遷故官止於此勲上輕車都
尉封武功縣開國伯食邑九百戶將居許病暑
暴下中止於常建中靖國元年六月請老以本
官致仕遂以不起行狀

水華居士錢濟明丈嘗跋施純叟藏先生帖後
云建中靖國元年先生以玉局還自嶺海四月
自當寄十一詩且約同程德孺至金山相候
旣往迂之遂決議爲毘陵之居六月自儀真避
疾渡江再見於奔牛埭先生獨卧榻上徐起謂

某曰萬里生還乃以後事相託也惟吾子由目
再貶及歸不復一見而決此痛難堪餘無言者
久之復曰某前在海外了得易書論語三書今
盡以付子願勿以示人三十年後會有知者因
取藏篋欲開而失鑰是某曰某獲待言方自此
始何遽及是也即遷寓孫氏館日往造見見必
移時慨然追論往事間出嶺海詩文相示時發
一笑覺眉宇間秀爽之氣照映坐人七月十三
日疾少間曰今日有意喜近筆硯試爲濟明戲
書數紙遂書惠州江月五詩明日又得跋桂酒
題卷外紀一卷下遺事

三 燕石齋別余

頌自爾疾稍增至十五日而終

春渚紀聞

丁丑歲余謫海南子由亦貶雷州五月十一日
相遇于藤同行至雷六月十一日相別渡海時
余病痔呻吟子由亦終夕不寐因誦淵明詩勸
余止酒乃和元韻因以贈別庶幾真正矣
山谷老人贊東坡先生像曰子瞻堂出于峨眉
司馬班揚金馬石渠閣士如牆上前論事釋之
馮唐路以爲階而投諸雲夢之黃東坡之酒
赤壁之遂嬉笑怒罵皆成文章解羈而歸紫微
玉堂子瞻之德未變于初而名之曰元祐之黨

坡之珠厓儋耳方其金馬石渠也不自知其東
坡赤壁也及其東坡赤壁也不自意其紫微玉
堂也及其紫微玉堂也不自知其珠厓儋耳也
九州四海知有東坡東坡歸矣民笑且歌一丘
一壑則無如此道人何

燕石齋補

蘇長公外紀二卷上

明卿瑯王世貞編次

新安汪廷訥校定

恩遇

孝宗文集贊叙

成一代之文章。必能立天下之大節。立天下之大節。非其氣足以高天下者。末之能焉。孔子曰。臨大節而不可奪。君子人歟。孟子曰。我善養吾浩然之氣。以直養而無害。則塞乎天地之間。蓋存之於身。謂之氣。見之於事。謂之節。節也。氣也。

蘇長公外紀二卷上恩遇

一 燕石齋刊

合而言之道也。以是成文。剛而無餒。故能參天地之化。閑盛衰之運。不然則雕虫篆刻。童子之事耳。烏足與論一代之文章哉。故贈太師謚文忠。蘇軾忠言讜論。立朝大節。一時廷臣。無出其右。負其豪氣。志在行其所學。放浪嶺海。文不少衰。力幹造化。元氣淋漓。窮理盡性。貫通天人。山川風雨。草木華實。千彙萬狀。可喜可愕。有感于中。一寓於文。雄視百代。自作一家。渾溢光芒。至是而大成矣。朕萬幾餘暇。紬繹詩書。他人之文。或得或失。多所取舍。至于軾所著。讀之終自塵。

壘志倦常宜左右以爲矜式信可謂一代之文章
之宗也歟乃作贊曰

維士文章言必已出綴詞緝句文之蠹賊手抉
雲漢幹造化機氣高天下乃克爲之倚嗟若人
冠冕百代思言謹論不顧身害凜凜大節見於
立朝放浪嶺海侶於漁樵歲晚歸來其文益偉
波瀾老成無所附麗昭晰無疑優游有餘跨唐
越漢自我師模賈馬豪奇韓柳雄健前哲典刑
未足多羨敬想高風恨不同時掩卷三對播以
聲詩

樞長公外紀三卷上

會遇

一 燕石齋刊

乾道九年閏正月望 選德殿書賜蘇嶠

誥詞

朕承絕學於百世之後探微言於六籍之中將
興起於斯文爰縮懷於故老雖儀刑之莫覲尚
簡策之可求揭爲儒者之宗用錫帝師之寵故
禮部尚書端明殿學士贈資政殿學士諡文忠
蘇軾養其氣以剛大尊所聞而高明博觀載籍
之傳幾海涵而地負遠追正始之作殆玉振而
金聲知言自況於孟軻論事肯早於陸贄方嘉
祐全盛嘗膺特起之詔至熙寧分更乃陵長治

之策數異人之間出驚譏口之中傷放浪傾瀉
面如在朝廷斟酌古今而若輪造化不可奪者
巽然之節莫之致者自然之名經綸不充於生
前議論常公於身後人傳元祐之學家有眉山
之書朕三復遺編久欽高躋王佐之才何大用
恨不同時君子之道闇而竟是以論世儻九原
之可作庶千載以同風惟而英爽之靈服我袞
衣之命可特贈太師餘如故

元豐初官制將行裕陵以圖子示宰執於御史
中丞執政位牌上貼司馬溫公姓名又於中書

蘇長外紀卷上八思過

三燕石齋刊

舍人翰林學士位牌上貼東坡姓名其餘與新
政不合者亦各有攸處仍宣諭曰此諸人雖前
此立朝議論不同然各行其所學皆是忠於朝
廷也安可盡廢王禹玉曰領德音蔡持正既下
殿謂同列曰此事烏可須作死馬醫始得其後
上每問及但云臣等方商量進擬未幾宮車宴
駕而裕陵之美意卒不能行新州之貶無人正
名其非紹聖間黨論一興至崇觀而大熾其貽
禍不獨縉紳而已士大夫有知之者莫不歎恨
也

東坡云頃試制舉中程後英宗皇帝即欲便
授知制誥相國韓公曰蘇軾之才遠大之器也
他日自當爲天下用要在朝廷培養之使天下
之士莫不畏慕降伏皆欲朝廷進用之然後取
而用之則人人無復異詞矣今驟用之則天下
之士未必以爲然適足以累之也英宗曰知
制誥即未可且與脩起居注可乎魏公曰記注
與制誥爲隣未可遽授不若且於館閣中擇近
上帖職與之他日擢用亦未爲晚乃授直史館
歐陽文忠時爲參政慮報政官中有不喜魏公

蘇長公外紀三卷上大意通

四 燕石齋刊 余

者喋喋於東坡坡曰公所以遲某之意乃古之
所謂君子愛人以德者歟百川學海

栢堂宋僧志詮作陳文帝天嘉二年有植兩檜
于孤山寺中至宋時猶存其一號陳朝檜續詮
作堂其側曰栢堂與竹閣連屬蘇子瞻作詩紀
之云遣人手種幾生前鶴骨龍姿尚宛然雙幹
一先神物化九朝三見太平年忽驚華厦依巖
出之臨嘉名到處傳此栢未枯君記取灰心聊
伴小乘禪後孝宗嘗書此詩勸石

先生臨錢塘郡日先君以武學博士出爲徐州

學官待次姑蘇公遣舟邀取至郡督飲數日約
同劉景文泛舟西湖酒酣顧視湖山意頗懽適
且語及先君被遇裕陵之初而嘆今日之除似
是左遷久之復謂景文曰如其今日餘生亦皆
裕陵之賜也景文請其說云某初逮繫御史獄
獄具奏上是夕昏鼓既畢某方就寢忽見二人
排闥而入投篋于地即枕卧之至四鼓某睡中
覺有撼體而寤語云學士賀喜者某徐轉及問
之即曰安心熟寢乃挈篋而出蓋初奏上舒賈
之徒力詆上前必欲置之死地而裕陵初無深
罪之意密遣小黃門至獄中視其起居狀適某
晝寢鼻息如雷即馳以聞裕陵顧謂左右曰朕
知蘇軾胸中無事者於是即有黃州之命則裕
陵之恕念臣子之心何以補報萬一後先君嘗
以前事語張嘉父嘉父云公自黃移汝州謝表
既上裕陵覓之顧謂侍臣曰蘇軾真奇才時有
憾公者後前言奏曰觀軾表中猶有怨望之語
裕陵愕然曰何謂也對曰兄弟並列於賢科與
驚魂未定夢游繚綫之中之語蓋言軾徹皆前
應直言極諫之語今乃以詩詞被譴誠非其罪

也裕陵徐謂之曰朕已灼知蘇軾衷心實無他
賜也於是語塞云

公在橫州都下忽盛傳公病歿裕陵以問蒲宗
孟宗孟奏曰日來外間似有此語然亦未知的
實裕陵將進食因嘆息再三曰才難遂輟飯而
起意甚不釋後公於哲廟朝表薦先子博士儼
論云先皇帝道配周孔言成典謨蓋嘗當食不
御有才難之歎其說蓋出於此

東坡既就建御史府一日慈聖曹太皇語上曰
官家何事數日不懌對曰更張數事未就緒有

蘇軾外紀卷上

六 蘇軾外紀卷上

蘇軾者輒加謗訕至形於文字太皇曰得非軾
轍乎上驚曰娘娘何以聞之曰吾嘗記仁宗皇
帝策試制舉人罷歸喜而言曰朕今日得二文
士謂蘇軾轍也然吾考矣慮不能用將以遺後
人不亦可乎因泣問二人安在上對以軾方繫
獄則又泣下上亦感動始有貸軾意

軾嘗鎖室禁中召入對便殿宣仁后問曰卿前
年爲何官曰臣爲黃州團練副使曰今爲何官
曰臣今待罪翰林學士曰何以遷至此曰遭過
太皇太后皇帝陛下曰非也曰豈大臣論薦乎

曰亦非也。軾驚曰：臣雖無狀，不敢自他途以進。曰：此先帝意也。先帝每誦卿文章，必嘆曰：奇才。但不及進用卿耳。軾不覺哭，失聲。宣仁后與哲宗亦泣。左右皆感深已，而介坐賜茶。徹御前金蓮燭，送歸院。

東坡先生學問文章，忠言直節，不特士大夫所欽仰，而累朝聖主恩遇皆厚。仁宗朝登進士科，復應制科擢居異等。英宗朝鳳翔簽判，履任欲以唐故事召入翰林，宰相限以近例，且召試秘閣。上曰：未知其能，否？故試之。如軾，豈不能耶？宰

蘇長公外紀一卷上

思過

七

蘇石齋刊

相猶難之。及試，又入優等。遂直史館。神宗朝以議變更科舉法，上得其議善之，遂欲進用以與王安石論新法不合。補外。王黨季定之，徒媒藥寘潤，不止。遂坐詩有譏諷，赴獄。欲置之死，賴上獨庇之，得出。止責置齊安。方其坐獄時，相有譖於上曰：軾有不臣之意。上改容曰：軾雖有罪，不應至此。遂相舉軾檜詩云：根到九泉無曲處，世間惟有螫龍知。陛下飛龍在天，軾以爲不知已而求地下螫龍，非不臣而何？上曰：詩人之詞，安可以此論彼。自評檜何預朕事。時相語塞。上

曰與近臣論人林因曰軾方古人孰比近臣曰
唐李太白文才頗同上曰不然曰有軾之才無
軾之學上累有意復用而信者力阻之上一日
特出手札曰蘇軾黜居思咎闕處滋深人材實
難不忍終棄因量移臨汝哲宗朝起知登州召
爲南宮舍人不數月遷西掖遂登翰苑紹聖以
後熙豐諸臣當因元祐諸臣例遷謫宗觀間蔡
京蔡卞等用事以黨籍禁其文詞并墨跡而毀
之政和間忽弛其禁求軾墨跡世人莫知其由
或傳徽宗皇帝寶錄宮醮筵嘗親臨之一日啟

蘇軾外紀二卷上八恩遇

八蘇石齋翁

醮道士至醮壇拜章伏地久之方起上詰其故
答曰適至上帝所值奎宿奏事良久方畢始能
上其章故也上嘆訝之問曰奎宿何神所奏何
事對曰所奏不可得知然此宿者乃本朝之臣
蘇軾也上大驚不惟弛其禁且欲詭其文辭墨
跡一時士大夫從風而靡光堯太上皇帝朝盡
復軾官職擢其孫符自小官至尚書今上皇帝
尤愛其文梁丞相子乾道初任掖垣兼講席一
日內中宿直召對上因論及問曰近有唐庚等
注軾詩其詳卿見之否梁奏曰臣未之見上曰

朕有之命內侍取以示之至乾道末上緣為軾
御製文集叙贊命有司與集同刊之因贈太師
謚文忠又賜其曾孫嶠出牙擢為臺諫侍從嗚
呼楊雄之文當時人忽之且欲覆齏蕪揚雄亦
自謂後世復有楊子雲當知我今東坡詩文迺
蒙當代累朝神聖之知至此使忌能之臣譖言
不入且道流之語未必可信解釋之事出於一
時之意兩宮以軾之忠賢而聽信之身後寵異
常數此誠堯舜之君樂取諸人以爲善而軾遂
被此光榮不甚偉哉

蘇長公外紀二卷上入思過

九 蘇石齋刊二

周益公謂先君曰壽皇每稱東坡唯曰子瞻而
不名其欽重如此

蘇長公外紀二卷中

明華珮王世貞編次

新安汪廷訥校定

賞與

東坡云頃同黃門公初赴制舉之召到都下是時同召試者甚多一日相國韓公與客言曰二蘇在此而諸人亦敢與之較試何也此語既傳於是不試而去之者十蓋八九矣

東坡云國朝試科初在八月中旬頃與黃門公既將試黃門公忽感寒卧疾自料不能及矣相

稱長公外紀二卷中

不賞與

一燕石齋刊

國韓魏公知之輒奏上曰今歲召制科之士惟蘇軾蘇轍最有聲望今聞蘇轍偶病未可試如此人兄弟不得就試甚非衆望欲展限以候上許之黃門病中魏公數使人問安否既問瘥安方引試九比常例展二十日自後試科自並在九月蓋始於此比者相國呂微仲語及科何故延及秋末之說東坡爲呂相言本相國曰韓忠獻其賢如此深可慕爾

李爲師友談記

歌者袁絢乃天書之卒龜年也宣政衛供奉九重嘗爲吾言東坡公昔與客游金山適中秋夕

天宇四垂一碧無際如江流頃湧戩月色如畫
遂與登金山山頂之妙高臺命絢歌不調歌頭
曰明月幾時有把酒問青天歌罷坡爲起舞而
顧問曰此便是神仙矣吾謂文章人物誠千載
一時後世安所得乎 鑑圖山叢談

東坡詩曰平生萬事足所欠惟一死豈可與俗
論余作詩曰東坡醉墨浩琳琅千道空餘萬丈
光雪裏芭蕉失寒暑眼中騏驎界玄黃 冷齋夜話
山谷見東坡和淵明飲酒詩讀至前山正可數
後騎且勿驅云此老未死 直方詩話

種長公外紀二卷中 金贊譽

二 燕石齋刊

范蜀公鎮蜀時每對客尊嚴靜重言有條理客
亦不敢慢易惟蘇子瞻則掀髯鼓掌旁若無人
然蜀公甚敬之 百川學海

後村云坡詩畧如昌黎有汗漫者有典嚴者有
麗纏者有簡淡者翁卷開闔千變萬態蓋自以
其力量爲之然非本色它人無許大力量氣魄
恐不可學 詩林廣記

陳后山次韻黃樓詩云一飲蘇長公四海名未
已少公作長句步馬安得擬張文若潘字德載
詩云長公波瀾浩蕩少公峭拔千尋壁且謂

二蘇也

東坡善議論有氣節

若海

東坡解經莫教說着處直是好蓋是他筆力過人發明得分外精神

或言東坡雖說佛家語亦說得好先生曰它其次第見識甚次第才智見得那一道明亦曾下工夫是以說得那一邊透今世說佛也不曾做得它工夫說道也不曾做得此邊工夫只是虛飄飄地沙魘過世眼

朱子語類

錢塘強幼安爲余言頃歲調官都下始識博士

種谷外紀三卷中

不常纂

三蘇石齋

唐庚因論坡詩之妙子美以來一人而已其叙事簡當而不害其爲工如嶺外詩叙虎飲水潭上有蛟尾而食之以十字說盡云替鱗有饑蛟掉尾取渴虎只著渴字便見飲水意且屬對親切它人不能到也

竹坡詩話

冷齋夜話載王荆公居鍾山一日於客處得東坡寶相慈記展誦於風簷之下喜見鬚眉曰子瞻人中龍也然有一字未聽客請願聞之公曰日勝日貧不若日勝日貧東坡聞之拊掌大笑以爲知言

又潘子真詩話載東坡作表忠觀碑荆公寘坐
隅有客問曰相公亦喜斯人之作公曰斯文絕
似西漢坐客數譽不已公笑曰西漢誰文可擬
坐客或也以司馬相如楊雄之流公曰相如賦
子虛大人洎論蜀文封禪書耳雄所著太玄法
言以準易未見其叙事典贈若此直須與子長
馳騁上下如楚漢以來諸侯王年表若溪漁隱
以謂熙寧間介甫當國力行新法子瞻譏諷其
非形于文章者多侯介甫能不芥蒂於胸次想
亦未必深喜其文章今二者所筆恐非其實僕
蘇長公外紀二卷中不當譽

四

蘇石齋刊

謂二公皆一時偉人其所不相能者特立朝議
論間耳然其文章刻處各自心服何嘗以平日
議論不相能之故併以其所長者忌之苟如是
何以爲二公漁隱以市井常態測二公過矣此
如顏師古謂簫望之忌韓延壽之能出已之上
之說一同

東坡在東州有梅詞西江月末云高情已逐曉
雲空不與梨花同夢蓋掉空雲而作茗溪漁隱
曰直方詩話載晁以道云說之初是東坡此
詞便知道此老嘗過海只爲古今人不曾道到

此須異教去此謂辭理近於忌人之長幸人之禍且謂直方無識載之詩論寧不畏人之譏乎僕謂臆以道此言非忌人之長幸人之禍也蓋以坡公遺人所不能到之妙奪天地造化之巧故有謫罰之語直方所載當有所自而魚隱至以無識譏之是不思之過也高齋詩話載王昌齡拗語云落落莫莫路不分夢中喚作梨花雲坡蓋用此事也夢雲又有榴花一事柳子厚海石榴詩曰月寒空摺曙幽夢絲雲生

隨筆摘東坡詩文與出處戾者數十事坡仙大

補東坡外紀三卷中不備舉

五 燕石齋刊

才製作多出一時縱手信筆未嘗效人本子尋行數墨古人事實固宜有誤用處後生豈可爲法燕石齋補

魚隱云元祐文章世稱蘇黃然二公爭名互相譏詆東坡謂魯直詩文如蝓蚌江珧柱格韻高絕盤餐盡廢然不可多食多食則發風動氣山谷亦曰蓋有文章妙一世而詩初不逮古人者此指東坡而言也殊不知蘇黃二公同時實相引黃推蘇尤確而蘇亦與成之甚矣黃云東坡文章妙一世乃謂效庭堅體正如退之效孟

郊廬全詩蘇云讀魯直詩如見魯仲連李太白不敢復論鄙事其互相進許如此豈爭名者哉詩文比之蝥蝻江珧極豈不謂佳至言發風動氣不可多食者謂其言有味或不免譏評時病使人動不平之氣乃所以深美之非譏之也文章妙一世而詩句不逮古人此語蓋指曾子固亦當時公論如此豈坡公邪以坡公詩句不逮古人則是陳壽謂孔明兵謀將畧非其所長者也此郭次象云

東坡文章妙一世然在掖垣作呂吉甫謫辭繼

蘇長公外紀卷中不曾磨

六 燕石齋刊

而呂復用遂納告毀抹在翰苑作上清儲祥碑

繼而蔡元長復作遂遭磨毀非特此也蘇叔黨

云昔公爲藏經記云傳於世或以爲非在惠州

作梅花詩至有以爲笑此皆士大夫以文鳴者

其說使人必信乃謬妄如此信知識古戰場文

者鮮矣子由嘗跋東坡遺稿云展卷得遺草流

涕濕冠纓斯文久衰弊濁淫自爲清科斗藏壁

間見者空歎驚廢與自有詩詩書付西京

四言自常孟司馬遷相如珣固來曾高潛韓愈

柳宗元梅堯臣歐陽脩王安石蘇軾工拙畧見

嘗惟五言而上世人往往極其才之所至而四
言雖文辭巨伯輒不能入水心有是言矣後村
劉潛夫亦以四言尤難三百五篇在前之故韋
氏云誰謂華高企其齊而誰謂德難厲其庶而
使經聖筆亦不能刪余思四言如律以三百五
篇則韋氏爲工世殊體異後之銘詩莫非四言
也安石以上諸公未暇深論如蘇公所撰范蜀
公誌銘云君實之閑出而時施如彼水火寧除
渴饑公雖不用亦相其行如彼山川出雲相望
余每展卷輒爲擊節坡公四言於古近體中句
律最外紀卷中不賞譽

語無適而不高妙也鐵圍山叢話

七 燕石齋刊

余作南征賦或者稱之然僅與曹大家輩爭衡
耳惟東坡赤壁二賦一洗萬古欲髣髴其一語
畢世不可得也鐵圍山叢話

章案質夫作水龍吟詠楊花其命意用事清麗
可喜東坡和之若豪放不入律呂徐而視之聲
韻諧婉便覺質夫詞有織繡工夫此叔用云東
坡如毛嬙西施淨洗却面脂天下婦人鬪好質
夫豈可比耶曲譜舊聞

東坡之歿士大夫及門人作祭文甚多惟李廌

方叔文尤傳知道大不容升高爲累皇天后土
鑒平生忠義之心名山大川還千古英靈之氣
識與不識誰不盡傷聞所未聞吾將安放此數
句人無賢愚皆能誦之

曲洧雜言

誰將家集過幽都每被行人問大蘇莫把文章
動蠻貊恐妨談笑卧江湖灤城集云此子由奉
使契丹時寄子瞻詩也浣水燕談錄云張芸叟
奉使遼宿幽州館中有題蘇子瞻老人行於壁
間者諸家書肆亦刻子瞻數十篇謂之大蘇集
子瞻名重當代外至夷虜亦愛之如此芸叟題

蘇文公外紀三卷中

合書

蘇石齋刊

其後曰誰傳佳句到幽都逢着胡兒問大蘇此
二句與子由之詩全相類疑好事者改之也附
公父子由韻醜髡年來亦甚都時時鳩舌問三
蘇那知老病渾無用欲問君王乞鏡湖自注云
子由入京時北使已問所在後子爲館伴北使

屢誦三蘇文

詩林廣記

或曰陳蕃叟武不喜坡文戴肖望溪不喜南豐
文先生曰二家之文雖不同使二公相見魯公
須道坡公底好坡公須道曾公底是

木子語錄

如歐公文字好看只是靠實而有條理如張承

業及宦者等傳自然好東坡靈壁張氏園亭記
最好亦是靠實語錄

嘉祐二年歐陽文忠公考職禮部進士疾時文
之詭異思有以救之梅聖俞時與其事得公論
刑賞以示文忠文忠驚喜以爲異人欲以冠多
士疑曾子固所爲子固文忠門下士也乃寘公
第二復以春秋對義居第一殿試中乙科以書
謝諸公文忠見之以書語聖俞曰老夫當避此
人放出一頭地士聞者始譁不厭久乃信伏

古今詩話云東坡作獨樂園詩只從頭四句已

魏長公外紀二卷中不賞譽

九 燕石齋刊

都說盡便可以入圖畫矣

王定國甲申雜記云天下之公論雖仇怨不能
奪也李承之奉世知南京嘗謂余曰昨在從班
李定資深鞫子瞻獄雖同列不敢輒啟問一日
資深於崇政殿門忽謂諸人曰蘇軾奇才也衆
莫敢對已而曰雖三十年所作文字詩句引證
經傳隨問即答無一字差舛誠天下之奇才也
歎息不已詩林廣記

韓子蒼云東坡作文如天花變見初無根葉不
可揣測

老泉初携東坡穎濱謁張文定公時方習制科業將應詔文定公與語奇之館於齊舍翌日文定公忽出六題令人持與東坡穎濱云請學士擬試文定密於壁間窺之兩公得題各就坐致思穎濱於一題有疑指以示東坡坡不言但舉筆倒敲於几上云管子註穎濱疑而未決也又指其次東坡以筆勾去謂無出處穎濱即擬讓出以納文定閱其文益喜東坡勾去一題果無出處文定欲試之也次日見老泉云二令嗣皆天才長者明敏尤可愛然少者謹重恐成就或

蘇長公外紀三卷中不嘗舉

十燕石齋刊

過之所以二公皆受知文定而穎濱感之尤深

說邪

黃寔自言平生有二事元豐甲子爲淮東提舉常于除夜泊汴口見蘇子瞻植杖立對岸若有所俟歸舟中以揚州厨釀二尊雍酥一奩遺之後十五年爲發運使大暑泊清淮樓見米元章衣犢鼻自滌研於淮口索篋中一無所有獨得小龍團二餅亟遣人送人趣其滌硯未畢我所謂平生有此二事穎自慰之說邪

東坡像贊云我游釣天帝之所都是老先生王

蘇長公外紀二卷下

明卿那王世貞編次

新安汪廷訥校定

好士

黃山谷與子瞻書云頃自衛州試舉人歸于鄭
掾處得賜教不以汗下難于獎掖接引開納勤
勤懇懇俯偃而忘其臂之勞強駕馬于千里不
敢自絕勉奉鞭勒至于不勝任而後已耳和詩
詞氣高妙無以爲諭往聞執事豈弟之聲今食
其實獨恨未有親近之幸耳

蘇長公外紀卷下

好士

東坡初未識秦少游少游知其將復過維揚作
坡事語題壁于山中寺東坡果不能辨大驚
及見孫莘老出少游詩詞數百篇讀之乃嘆曰
向書壁者豈比卽也

宋時西湖多詩僧熙寧間有清順字怡然可又
字逸老所居皆湖山勝處而清順尤約介不妄
交人無大故不入城市士夫有以米粟饋者受
不過數斗盜貯几上日取二三合啖之蔬笋之
供恒缺乏也東坡一日游西湖僧舍壁間見小
詩云竹暗不通日泉聲落如雨春風自有期桃

李亂深塢問誰所作或以清順對即日求得之
聲名頌起西湖游覽志餘

李頌字粹老不知何許人少舉進士當得官棄
去烏巾布裘爲道人遍歷湖湘間晚樂吳中山
水之勝遂隱於臨安太滌洞天往來茗溪之上
遇名人勝士必與周旋素喜丹青而間作小詩
東坡倅錢塘日粹老以幅絹作春山橫軸且書
一詩其後不通姓名付樵者令侯坡之出投之
坡展視詩畫蓋已竒之矣及問樵者誰遣汝也
曰我負薪出市始經公門有一道人與我百錢

蘓長外紀三卷下

好事

二

令我至此實不知何人也坡益驚異之即散問
西湖名僧輩云曷粹老久之偶會于湖山僧居
相得甚喜坡因和其詩云詩句對君難出手雲
泉勸我早抽身是也粹老畫出筆力之妙盡物
之變而秀潤簡遠非若近世士人畧得形似便
復輕訾前人自謂超神之妙出於法度之外者
然不能爲人特作世所有者絕少得其小屏幅
紙以爲寶玩也

東坡先生嘗與松陵朱象先叙文云能文而不
求舉善畫而不求售者其畫始規摹重北苑然

每自出新意筆力高簡潤澤而有生理出許道
寧李遂輩之上但其爲人既經東坡先生題目
之不肯爲人輕作又不爲王公大人所屈世所
傳者亦不甚多

西湖游覽志餘

先生元祐間出帥錢塘視事之初都商稅務押
到匿稅人南劔州鄉貢進士吳味道以二巨罨
作公名銜封至京師蘇侍郎宅顯見僞妄公即
呼味道前訊問其罨中果何物也味道恐感而
前曰味道今秋忝冒鄉薦鄉人集錢爲赴省之
贖以百千就置建陽小紗得二百端因計道路

舊長外紀三卷下

好事

三

所經場務盡行抽稅則至都下不存其半心竊
計之當今負天下重名而愛獎士類唯內翰與
侍郎耳總有敗露必能情貸味道遂僞假先生
台銜械封而來不探知先生已臨鎮此邦罪實
難逃幸先生恕之公熟視笑呼掌牋奏書吏令
去舊封換題細銜附至東京竹竿巷蘇侍郎宅
并手書予由書一紙付示謂味道曰先輩這回
將上天去也無妨來年高中過當却惠顧也味
道悚謝再三次年果登高第還具啓啟謝殷勤
其語亦多警策公甚喜爲延款數日而去何遠

陽孝本字行先居虔州城西一圃甚幽邃學博行高東坡謫惠州過而愛之爲留月餘號曰玉岩居士仍作真贊居士平生不娶坡每來謁直造其室嘗戲以元德秀呼之居士曰某乃陽城之裔故坡詩曰衆謂元德秀自稱陽道州皆謂無妻也居士後以經明行脩得官居太學年七十乞致仕朝筵寵以奉議即直秘閣俾領宮祠以歸西湖游覽志餘

元祐中東坡帥杭余自江西來應舉引試有日矣忽同保進士訟余戶貫不明賴公照憐得就

賴長公外紀三卷下 好士

四

試因預薦送遂獲游公門西湖游覽志餘

思聰爲行童日東坡倅杭州令和參寮子昏字

詩聰立成有干黥亂山橫紫翠一鈞新月掛黃昏之句東坡大稱賞大觀政和間聰挾琴游梁

日登中貴人之門久之遂還俗爲御前使臣方

其將冠巾也蘇叔黨因浙僧入都送之詩云試

誦北山移爲我招琴聰詩至已無父矣

世南仕閩中於忠定李丞相家見東坡公一帖

云某頓首秋著不霽起居佳否某與兒子八月

九日離廬九月六日到鬱林七日遂行初

九日離廬九月六日到鬱林七日遂行初

約留書歐陽晦夫處忽聞秦少游凶問留書不
可不言欲言又恐不的故不忍下筆今行至白
州見容守之猶子陸齋即云少游過容留多日
飲酒賦詩如平常容守遣般家二卒送歸衡州
至藤傷暑困臥至八月十二日啟手足於江亭
上徐守甚照管其喪仍遣人報范承務

范先去已至梧州

范自梧州赴其喪此二卒明知陸守者止於如
此其他莫知其詳也然其死則的矣哀哉痛哉
何復可言當今文八第一流豈可復得此人在
必大用於世不用必有所論著以曉後人前此

蘇美公外集上卷下

好五

五

所著已足不朽然未盡也哀哉哀哉其子甚奇
俊有父風惟此一事差慰吾輩意某不過旬日
到藤可以知其詳續奉報次尚熟惟萬萬自重
無聊中奉啟不謹某再拜元老長官足下九月
六日元老不審爲誰當考觀此足見坡公篤愛
交友留意人才爲可敬歎所謂奇俊之子名湛
字處度者也

東坡嘗語少子過曰秦少游張文潛才識學問
爲當世第一無能優劣二人者少游下筆精悍
心所默識而口不傳者能以筆傳之然而氣韻

雄拔疎通秀剛。當推文潛。二人皆辱與子游。同
升而并黜。有自雷州來者。遽至少游所。惠書詩
累幅。近居蠻夷。得此如在。齊聞韶也。汝可記之。
勿忘吾言。

與米元章云。兩日來。疾有增無減。兒子於何處
得寶月觀賦。琅然誦之。老僕肝聽未半。蹶然而
起。恨二十年相從。知元章不盡。若此賦當過古
人。不論今世也。天下豈盡如我輩。曠曠耶。公不
久當自有大名。勞我說也。若欲與公談。則誠
不能。當更後數日耶。

種實公外紀卷下

好士

六

高致虛云。東坡言。過溫泉壁下。見詩云。直待衆
生總無垢。我方清冷。混常流。問人云。何遵。作因
題一絕云。石龍有口。口無根。自在流泉。誰吐吞。
若信衆生本無垢。此泉何處覓寒温。何遵緣此
知名。後來京師。每有賓客。必出數篇讀。者無不
絕倒。直方詩話。

東坡帥定武。諸館職餞於惠濟坡。舉白浮歐陽
叔弼。陳伯倫。二校理。常希古。少尹。曰。三君但飲
此酒。酒醺當言所為。三君飲竟。東坡曰。三君為
主司。而失李方叔。茲可罰也。三君者。無以為言。

慙謝而已張文潛舍人在坐輒舉白浮東坡先生曰先生亦當飲此東坡曰何也文潛曰先生昔知舉而遺之與三君之罰均也舉坐大笑順

海子

蘇子瞻守杭時毛澤民者爲法曹公以衆人遇之而澤民與妓瓊芳者善及秩滿辭去作分飛詞以贈妓云淚濕闌干花着露愁到眉峯碧聚此恨平分取更無言語空相覩細雨殘雲無意緒寂寞朝朝暮暮今夜山深處斷魂分付潮回去子瞻一日宴客妓歌此詞問誰所作妓以澤

蘇長公外紀三卷下

卷下

七

民對公語坐客郡僚有詞人而不及知軾之罪也翌日折簡返回留連數日每預文酒之會澤民因此得名韻語陽秋云東坡喜獎與後進有一言之善則極口褒賞使其有聞於世而後已故受其獎拂者亦踴躍自勉樂於進脩而終爲令器近時公卿大夫則不然

陳頤

李薦陽翟人少以文字見子瞻子瞻喜之元祐

初知舉薦適就試意在必得薦以冠多士致章援程文大喜以爲薦無疑遂以爲魁旣

悵然出院以詩送薦歸其曰平時謾識古

過眼終迷日五色蓋道其本意薦自是學亦不
進家貧不甚自愛嘗以書貴子瞻不薦已子瞻
後稍薄之竟不第而死

劉季孫平之子能作七字家藏書數千卷善用
事送孔宗翰知揚州詩有云詩書魯國真男子
歌吹揚州作貴人多稱其精當爲杭州鈐轄子
瞻作守深知之後嘗以詩寄子瞻云四海共知
霜鬢滿重陽曾插菊花無子瞻大喜在潁州和
季孫詩所謂一篇向人寫肝肺四海知我霜鬢
斑蓋記此也 石林詩話

種長公外紀卷下

好士

東坡先生於人有尺寸之長瓊屑之文雖非其
徒驟加獎借如曼秀吹將草木作天香妙總知
有人家住翠微之句仲殊之曲惠聰之琴皆咨
嗟嘆美如恐不及至於士大夫之善又可知也
現其措意蓋將攬天下之英才提撕誘掖教養
成就之耳夫馬一駿驥坂則價十倍士一登龍
門則聲烜赫足以高當時而名後世矣嗚呼惜
公逝矣而吾不及見之也 明珣鈞詩話

蘇少公云吾兄子瞻謫居儋耳瓊州進士姜唐
二人從之游氣和而言道有中州士人之風子

瞻愛之贈詩曰滄海何曾斷地脉白袍端合破天荒且告之曰子異日登科當爲此篇君游廣州學有名崇寧二年正月隨計過汝陽以此句相示時子瞻之喪再逾歲矣覽之流涕念君要能自立而莫與終此詩者乃爲足之云

密雲龍茶名極爲甘馨宋廖正一字明畧晚登蘇門子瞻大奇之時黃秦晁張號蘇門四學士子瞻待之學每來必令侍妾朝雲取密雲龍家人以此知之一曰又命取密雲龍家人謂是四學士窺之乃明畧也山谷有商雲龍亦茶名也

種茶外紀二卷下一曰好士

九

總錄

東坡爲勤上人詩集序云歐陽公好士而士之負公者有之翟公之客負之於死生貴賤之間而公之士一曰坂公於瞬息俄頃之際佛者惠勤長於詩從公游三十餘年公嘗稱之公薨於汝陰子後見勤語及公未嘗不涕泣也勤固無京於世而公又非有德於勤者其所以涕泣不忘豈爲利也哉余然後知勤之賢使其得列於士大夫之間而從事於功名其不負於公也審矣眉山人巢谷學古兵法遊西邊與河州將韓存

寶善存實坐罪犯谷逃江淮間會赦乃出蘇軾
蘇轍謫嶺海谷往訪轍又欲往海兩訪軾至新
川病死轍聞哭之失聲曰谷於朋友之義無愧
高恭惜不遇襄子而前遇存寶後遇子兄弟也

已上燕石齋補

鮮于子駿作九誦東坡大稱之云友屈宋於千
載之上觀堯祠舜祠二章氣格高古自東漢以
來鮮及許彥周詩話

東坡云董諸郎中安丘人能詩於寶元康定間
其書尤工而人莫知僕以爲勝李西臺也彥周詩話

蘇長公外紀卷下

好事

十 蘇名齊川周

子瞻嘗得西南夷人蠻布子衣其文織梅聖俞
春雪詩在集中非絕唱以其名重天下即一篇
一詠傳布夷狄異域之人貴重如此子瞻以余
深知聖俞因以見遺余舊蓄一琴乃寶曆三年
雷會所作距今二百五十年矣其聲清越如金
石之韻遂以此布更爲琴囊因記其事六一居

色敷腴顧我而歎
歎世垢濁笑謂侍
仙界以靈藥稽首
竟歸萬里天風碧
山巉然月墮江空

杭州圖書館

杭州圖書館

杭州圖書館